

Եւ նրմա փառք յամենայնէ տնլըռական,
Ընդ Հօր, Հոգւովըն ճշմարտի միանգամայն,
Այժմ և յաւէտ և յապագայն յարաձգական,
Եւ անըսպառ և ի անկէտ միշտ յաւիտեան. Ամէն:

1620-1.

Ջանպիտան հողս և զանարհեազ գրչակս զպիտակ սնուն զԽաչքո՝ յիշեցէք, ով եղբայրք, ի մաքրափայլ յաղաւթս ձեր, և դուք յիշեալ լիջիք ի Քրիստոսէ Աստուծոյ մերոյ. ամէն: Գրեցաւ թվ. Ռկթ. նոյեմբ. 17: [Շառական, ի Ս. Ղազար]:

1623.

Գրեցաւ զերբս ի թվին ՌՀԱին, ի յունիս ամսոյ ԻՂին, ի յաշխարհս Ըոզաց, և ի թագաւորութեանն Գ. Զիկմունտին, ի քաղաքիս Լուցքայ, ընդ հովանեաւ Սրբոյն Ստեփաննոսի Նախավկային և առաջին մարտիրոսին: Արդ գրեցաւ սա ձեռամբ յոգնամեղ բիւր քանքարոյ պարտական ՌՌ. ԺԺ. ձձ. (Գ.) Է. 88. ՄՄ. (Սիմէոն) իրիցուիս, որ միայն անուամբ եմ և գործովս հեռացեալ: Բայց ետ գրել զսա ըղձամբ և սրտիւ փափագանօք Յովհաննէս սրբազան քահանայն, ի վայելումն անձին իւրոյ և իւրոցն, յիշատակ անընչելի. զոր Տէր Աստուած բարով վայելել տացէ երկար ժամանակօք. ամէն: [Ներս. Լաւրդաճ. յԵրուշաղէմ]:

1624.

... Տեսեալ զսորայս (Աւետարանի) անճառ փրկագործութեան զխորհուրդ, Պր. պայազատ Խոճա Մարքոն, որ ստացաւ զսա ի հալալ ընչից իւրոց, և ետ յիշատակ ի դուռն Հաճակատար Ս. Աստուածածնին, վասն իւր և իւր ծնողացն հոգւոյն, Նուրպէկին, և մօրն Եղիսաբեթին, և կենակցին իւրոյ Քասքոյին, և Կստերացն իւր՝ Հօքային և Հանուչքային, և մեծ պապին Մաթիաշին, և մամուն՝ Վառվառին: ... Բայց յորժամ գրեցաւ սուրբ Աւետարանն՝ էր թիւ հայկազան տումարի ՌՀԳ. գրեցաւ և աւարտեցաւ ի հոչակաւոր և յաստուածարանակ մենաստանիս՝ Ս. Օգոսենդայ, ի հայրապետութեան Տեառն Տէր Մելքիսեդ կաթողիկոսին, ի թագաւորութեան Օլախաց երկրիս Ռատուլին. ձեռամբ նուաստ և անարժան հող և փոշի Ղաղար վարդապետին. որ անուամբ միայն և ոչ գործով... որ եմ առաջնորդ սուրբ ուխտիս և Օլախաց երկրիս, ողորմութեամբն Քրիստոսի: Արտասուելից պաղատանօք հայցեմ ի ձէնձ զհանդիպողքդ այսմ աստուածաշունչ մատենիս, մի՛ մեղադրէք. երկրիս հարկապահանջութիւն շատ էր. ամէն դատ և դատաստան առ մեզ կու գային, չունէաք խաղաղութիւն. կէս մի ի յայս քաղաքս գրելով և կէս մի այլ քաղաքս գրելով. և այսպէս չըջագայելով աւարտեցաք. թէպէտ զոյր կարողութիւն Քրիստոսի կարող զօրութեամբն՝ այլ զեղեցիկ գրել